



10 aña Konseho di Konsulta di Kòrsou

Ora dia 10 di òktober 2010 e Areglo di Estado (Staatsregeling) di Kòrsou a drenta na vigor, a instituí entre otro Konseho di Konsulta di Kòrsou (Raad van Advies van Curaçao, RvAC). Pues, awe RvAC ta eksistí 10 aña, igual ku e pais Kòrsou. RvAC su tarea núkleo ta – meskos ku e Konseho di Konsulta di Antia Hulandes den pasado – pa konsehá gobièrnu i Parlamentu tokante proposishonnan di lei. Ora ta husga e proposishonnan aki, tantu e aspektonan téknikamente hurídiko, komo e parti di maneho ta haña atenshon.

E último 10 añanan RvAC, komo e último órgano di konseho i esun mas haltu di Kòrsou, independientemente a desempeñá su papel komo garantia di kalidat pa legislashon sólido i legítimo. Bon konseheronan ta di vital importansia pa e órden demokrátiko di derecho den un pais. Un órden demokrátiko di derecho por keda eksistí solamente ora tin un ekilibrio di podernan ku ta mantené otro skèrpi. P'esei konseheronan krítiko i independiente ta un parti importante pa e 'check and balances' den e sistema gubernamental. Asina RvAC komo konsehero legislativo ta realisá un papel importante den e estado di derecho di Kòrsou.

E miembronan di RvAC – konsistiendo di señora mr. L.M. Dindial (vise-presidente), dr. J. Sybesma, señora drs. Ch. Alberto, mr. W.R. Flocker, drs. H.T. van der Woude RC, M.F. Willem, MBA, mr. L.M. Virginia i señora mr. C.C. Taylor – ku sosten di Sekretariado – konsistiendo di señora mr. C.M. Raphaëla (sekretario), señora mr. I. Hiemcke, señora mr. N.M. Eugenia, señora mr. W.A.M. Hu-a-ng, señora mr. E.F. Roosje, drs. R.B. Anandbahadoer, señora J.B. Elvilia-Seedorf, señora D.F. Davelaar i señora S.M. Sambo – ta felisitá pueblo di Kòrsou ku e di 10 aniversario di pais Kòrsou i lo sigui hasi esfuerso pa RvAC desempeñá su papel di konsehero na un forma di kalidat ekselente i sólido.